



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

XIII. Vt clerici omnes senioribus suis subiaceant, & illis exeuntibus, atque ingredientibus vela subleuent.

urn:nbn:de:hbz:466:1-15221

XIII.

Hoc regulariter secundum priorum statuta Canonum finitum est, ut tam subdiaconus quam ostiarius, & reliqui, seruitium sanctæ ecclesiæ consuetum absque vlla desidia impleant, & senioribus vella ad ostia subleuent. Qui contempserit facere & adimplere, subdiaconos verbis corripiendos, & si non emendauerint, stipendio priuandos, reliquos flagris coercendos.

XIV.

Hoc itaque propter ampliandam fidei catholicæ disciplinam elegimus definiendum vel tenendum; ut si qui viri ac mulieres diuinatores, quos dicunt esse caragios atque forticularios, in cuiuscunque domo Gothi, Romani, Syri, Græci, vel Iudæi, fuerint inuenti, aut quis ausus fuerit amodo in eorum vana carmina interrogare, & non publice hoc voluerit annuntiare; pro hoc quod præsumpsit, non solum ab ecclesia suspendatur, sed etiam sex auri uncias comiti ciuitatis inferat. Illi vero qui tali iniquitate repleti sunt, & sortes, & diuinationes faciunt, & populum præuaricando seducunt, ubi inuenti vel inuentæ fuerint, seu liberi, seu serui, vel ancillæ sint, grauiissime publice fustigentur, & venundentur, & precia ipsorum pauperibus erogentur.

XV.

Ad nos peruenit quosdam de populis catholicæ fidei execrabili ritu diem quintam feriam, qui &